

Majlis Apresiasi Kecemerlangan Pendidikan Khas Peringkat Wilayah Persekutuan Labuan 2025



Labuan, 25 November 2025 – Majlis Apresiasi Kecemerlangan Pendidikan Khas Peringkat Wilayah Persekutuan Labuan 2025 berlangsung dengan jayanya hari ini dan telah dirasmikan oleh Dr. Khalik Khassunah bin Muzir, Timbalan Pengarah, Bahagian Pendidikan Khas, Kementerian Pendidikan Malaysia.

Program anjuran Sektor Pendidikan Khas, Jabatan Pendidikan WP Labuan ini diadakan bagi meraikan kecemerlangan murid berkeperluan pendidikan khas (MBPK), guru serta pembantu pengurusan murid (PPM) yang telah menunjukkan prestasi cemerlang sepanjang tahun.

Majlis turut menyaksikan penyampaian Tokoh Guru Pendidikan Khas dan pelbagai anugerah termasuk Cemerlang Akademik, Cemerlang Kokurikulum, Sahsiah Terpuji, Cemerlang Inovasi, Ikon Pendidikan Khas, serta anugerah

kepada guru dan PPM atas komitmen mereka dalam memperkukuh pendidikan khas di Labuan.

Turut menyerikan majlis ialah persembahan murid pendidikan khas dan sesi fotografi bersama tetamu kehormat. Penganjuran program ini diharap dapat terus menyuntik semangat serta memperkasakan ekosistem pendidikan khas di Wilayah Persekutuan Labuan.

[#jpwpl](#)

[#7TeraskPM](#)

[#MalaysiaMADANI](#)

[#PendidikanManusiawi](#)

[#TaatSetia](#)









